

DITHUTO TSA GA KERESETE

Dithuto tsa ga Jesu Keresete mo Beibeleng ga di bolo go nna motswedi wa tlhotlheletso (ya Mowa o o Boitshepho) go batho. Go na le dithuto tsa Mmoloki tse di tlatlang mo bukeng ya mafoko a a molemo—Buka ya ga Momone: Tesetamente e Nngwe ya ga Jesu Keresete. Tsoo pedi (Beibele le Buka ya ga Momone) di tlaa lere go wena kagiso le boitumelo jo bosakhutleng ka go lere kaelo ya tlhotlheletso mo botshelong jwa gago.

Go amogela Buka ya ga Momone: Tesetamente e nngwe ya ga Jesu Keresete e e sa duelelweng, kwalela:

KEREKE YA GA
JESU KERESETE
YA BAITSHEPI
BA MALATSI A BOFELO

BOPAKI JWA GA MOPOROFETI JOSEPH SMITH

Kereke ya ga Jesu Keresete ya
Baitshephi ba Metlha ya Bofelo



Joseph Smith: Moporofeti wa Modimo

Fa Joseph Smith a le dingwaga tse di lesome le bone, o ne a batle go itse Kereke e a tshwanetseng go e tsena, ka jalo a lopa Modimo mo thapelong ya nnete. Mo phetolong ya thapelo e, Modimo Rara le Morwawe, Jesu Keresete, ba ipontsha go Joseph mme ba mmolelela gore Kereke ya nnete ya ga Jesu Keresete e ne e seyo mo lefatsheng mme ba ne ba tlhophile Joseph go e tsosolosa.

Go tswa ka letsatsi leo, Joseph a dira mo tirelong ya Modimo, a dira go tlhoma Kereke ya ga Jesu Keresete ya Baitshephi ba Malatsi a Bofelo le go aga bogosi jwa Modimo mo lefatsheng mo malatsing a bofelo. Maloko a tumelo (a a dumelang) a Kereke a supa gore Jesu Keresete ke Mmoloki le Morekolodi wa lefatsho. Jesu o laola (tsamaisa) Kereke ya Gagwe gompiano ka tshenolo go moporofeti mo lefatsheng. Joseph Smith e ne e le moporofeti yoo. Le mororo Joseph a kgonne dilo di le dintsi mo botshelong jwa



Fa a ntse a tsaya tshwetso ka kereke eka e tsena, Josefe o ne a retologela kwa Baebeleng go bona kaelo. Kong a bala, "Lopa go Modimo."

gagwe, se se botlhokwa gantsi e ne e le boithaopo jwa gagwe go nna morutwa le mosupi wa ga Jesu Keresete. O ile a kwala gore, "Morago ga bopaki jo bontsi jo bo filweng ka ga gagwe, se ke bopaki, jwa bofelo go botlhe, jo re bo fang ka ga gagwe: Gore o a tshela" (Doctrine and Covenants 76:22).

Bao ba ba amogelang bopaki jwa Moporofeti ka thata ya Mowa oo Boitshepho ba tlaa itse bonnete jwa tiro e a biditsweng go e dira. Ba ka itse gape kagiso le boitumelo jo bo tlang ka ntlha ya Mmoloki Jesu Keresete, yo Joseph Smith a mo obametseng le go mo direla.

Ke efe Kereke e e Boammaaruri?

Joseph Smith o tsetswe ka 1805 mo Sharon, Vermont. Ka nako pego e e simologa, o na a le dingwaga tse di lesome le bone, a nna le balelwapa la gagwe mo New York, mme a batlile ka tlhwoafalo epe Kereke go e tsena. Se se latelang ke tiragalo ya ga Joseph, e kwadilwe ka mafoko a gagwe ka sebele.

Mo nakong e ya Khuduego e tona mowa wa mme o ne wa gwetlhega mo kakanyong e e masisi le mo go sa nneng mo thokgamong e kgolo. . . . Gantsi ke ne ke ipotsa gore: Se se ka dirwang ke eng? Ke afe makoko a diphuthego a a nang le boammaaruri; kgotsa a otlhe a phoso gotlhelele? Fa go le lepe mo go one le le leng boammaaruri, ke lefe, mme ke tlaa le itse jang?

Fa ke santse ke apesitswe ke mathata a magolo a a bakilweng ke dikgotlhang tsa makoko a bakereki, ka tsatsi lengwe ke bala Lokwalo lwa ga Jakobo, kgaolo ya ntlha temana ya botlhano, e e balegang jaana: "Fa mongwe wa lona a tlhoka botlhale, a a lope Modimo o o nayang go batho botlhe ka boitumelo, mme o sa nyatse; mme o tlaa bo newa."

Ga go epe ntlha ya lefoko le le molemo e e kileng ya tla ka thata e kgolo mo pelong ya motho kafa e e e dirileng mo nakong e o yame. E ne e lebege e tsena ka mmetela o mogolo mo maikutlong mangwe le mangwe a pelo yame. Ke ne ka touta ka ga yone gape le gape, ke itse gore ga go na le motho mongwe yo o tlhokileng

botlhale go Modimo, ke nna; gonne ke ne ke sa itse gore ke ka dira jang, mme ntleng ke ka amogela botlhale jo bontsi gona le jo ke neng ke na najo, ke ne ke se kitla ke itse; gonne baruti ba thero ya makokwana a a farologaneng ba ne ba tlhologanya tsone dintlha tsa lefoko le le molemo ka go farologana go senya tumalano yotlhe ya go rarabolola potso ka go bala mo Beibeleng.

Mo lobakeng ka tsaya tshwetso gore ke tshwanela go sala mo bosenang-kitso le kakabalo, eseng jalo ke tshwanetse go dira se Jakobo a se laetseng, e bong, go lopa go Modimo. Kwa bofelong ke ne ka tsaya tshwetso go "lopa go Modimo," ke tsaya tshwetso ka gore fa a file botlhale go bone ba ba neng ba tlhokile botlhale, mme a bo naya ka bogolo, mme a sa nyatse, ke ka lekeletsa.

Pono ya Ntlha ya ga Joseph Smith

Ka ntlha ya se, ebong maikaelelo a me go lopa go Modimo, ke ne ka ya mo sekgweng go dira maiteko. E ne e le mo mosong wa letsatsi le lentle, ka paka ya dikgakologo mo ngwageng wa makgolo a a lesome le boroba-bobedi le masome



a mabedi (1820). E ne e le nako ya ntlha mo botshelong jwame gore ke bo ke dirile maiteko a go nna jalo, gonne mo dikakabalong tse dintsi tsame ke ne ke iseng ka gope ke dire maiteko a go rapela.

*Mongwe
wa bone. . .
a re,
a supa yo
mongwe—
"Yo ke
Morwaake
Yo o Rategang.
Utlwa Ene!"*

Morago ga ke sena go ya kwa lefelong kwa ke neng ke kile ka rulaganya go ya, morago ga ke sena go leba mo tikologong ya me, mme ke ipona ke le nosi, ka khubama mme ka simolola go sebela godimo dikeletso tsa pelo yame go Modimo. Ke ne ke ise ke dire se, fa ka bofefo ke (tswarwa) kakatlelwa godimo ke thata nngwe ee

mphentseng gotlhelele, mme e ne e na le kamego e e gamaregang mo go nna go bofa loleme lwame mo ke neng ke sa bue. Lefifi le legolo la phuthega mo sebakanyaneng ekete ke hutseditse go ya tshenyegong ka nakwana.

Mme, mo go gakgamatsang otlhe maatla a go bitsa (lopa) go Modimo go nkgolola mo thateng ya mmaba yo o neng a ngaparetse go nna, mme ka nakwana eo fa ke ne ke le gaufi go ineela mo go itlhobogeng mme ke itlholetse mo tshenyegong—eseng mo boitlhobogong jo bo apeletwang, mme mo maatleng a mongwe wa nnete go tswa lobopong lo lo sa bonweng, yo o neng a na le thata e e gakgamatsang mo ke neng ke se kile pele ka e utlwa mo go sepe (setshidi)—mme ka motsotso (nakwana) o wa kgakgamalo e kgolo, ka bona pilara ya lesedi mo godimo ga tlhogo yame, go feta phatshimo ya letsatsi, le le neng la fologa ka bonya go fitlhela le wela go nna.

Fela jaaka le sedimoga ke ne ka ipona ke golotswe mo mmabeng yo o neng a mprofile. Fa lesedi le tlhomame mo go nna ke ne ka bona Diriti tsa Batho ba babedi, ba bophepa le kgalalelo ya bone e e neng e sena botlhaloso,



ba eme fa godimo ga me mo phefong. Mongwe wa bone a bua go nna, a mpitsa ka leina mme a re, a supa yo mongwe—"Yo ke Morwaake Yo o Rategang, Utlwa Ene!"

Maikaelelo a me mo go lopeng go Morena e ne e le go itse gore ke efe mo go tsotlhe diphuthego e e leng boammaaruri, gore ke ka itse e ke ka e tsenang. Ka jalo, fela fa ke itshwara go tla go bua, go botsa Batho-Diriti ba ba neng ba eme fa godimo ga me mo leседing, gore ke efe mo go tsotlhe diphuthego e e neng e le boammaaruri (gonne ka nako go ne go ise go tle mo pelong yame gore tsotlhe ga di boammaaruri)—mme gore ke efe e ke tshwanetseng go e tsena.

"Ke ne ka arabiwa gore ke tshwanetse go se tsene lefa e le epe ya tsone, gonne tsotlhe di ne di se boammaaruri. Mme Batho-Diriti ba bai neng ba buile le nna ba ne ba re tsotlhe ditumelo tsa bone di ne di le makgapha mo ponong ya gagwe. O ne a re bao ba ba di salang morago ba ne ba le bonokwane botlhe. Mme o ne a re ba tla go nna ka dipounamo tsa bone, mme dipelo tsa bone di kgakala le nna. Ba ruta e le thuto ditaolo tsa batho. Ba lebega se-modimo, mme ba ganetse thata (go tswa go One)."

O ne a nkitsa go inyalana le epe ya tsone (diphuthego); le bontsi jwa tse dingwe dilo tse a di buileng go nna, tse ke sa kakeng ka di kwala mo nakong e. Fa ke itharabologelwa gape, ke iphitlhetse ke kaname ka mokwatla wame, ke lebile kwa legodimong. Fa lesedi le tlogile, ke ne ke sena nonofo; mme morago ke rudilwe mo go sengwe sebaka, ka ya kwa lwapeng.

Pogiso

Joseph a obamela Modimo mme a seka a tsena epe Kereke. Jaaka a boleletse batho se a neng a se bonye le go se utlwa, o ne a simolola go aparwa ke kganetso le pogiso.

Ka sebakanyana ka bona . . . gore go bega polelwana go ne go tsositse go tlhoka lorato mo go gola ga bareri ba thero kगतlhanong le nna, le gore e ne e le kgotlhang ya pogiso e kgolo, e e neng e tswetse go oketsega; mme le mororo ke ne ke le mosimane yo o sa itse, yo o dingwaga di magareng ga lesome le bone le lesome le botlhano, mme le mororo boleng jwame mo botshelong e ne e le jwa mosimane yo e seng wa botlhokwa mo lefatsheng, mme le fa go ntse jalo batho ba maemo a a kwa godimo ba ne ba tle ba nne tlhoko mo go lekanyeng go fetlha (tshoboko ya dikakanyo le maikutlo a batho ka kakaretso) kगतlhanong le nna, le go aga pogiso e e botlhoko; mme mo go ne go direga mo diphuthegong tsotlhe—tsotlhe di kopanye go mpogisa.

Go ne ga lopa temogo e e thata mo go nna ka nako eo, le gantsi-ntsi go tswa foo, go gakgamatsa

go le gale gore mosimanyana yo o sa itsegeng, wa dingwaga tse di leng fa godimo ga lesome le bone, mme yo gape, o neng a tlamegile go amogela botshelo jo bo botlana ka go bereka le tsatsi, a ka akanyediwa e le motho yo o neng a le botlhokwa go gwetlha ngokego tse di tlotlegang thata tsa nako eo, le ka mokgwa wa go aga mo go bone maikutlo a pogiso e e botlhoko thata le ngorogano. Mme gore go a gakgamatsa kgotsa go sa gakgamatse, se e ne e le tiragalo, mme gantsi e ne e gwetlha kutlobotlhoko e kgolo go nna.

Le fa go ntse jalo, (tiragalo) e ne e le nnete gore ke ile ka bogela pono. Ke ne ka akanya morago, gore ke ne ka ikutlwa jaaka Paulo, fa a ne a dira boiphemelo jwa gagwe fa pele ga kgosi Ageripa, mme a bega tiragalo ya pono e a neng a na nayo fa a bona lesedi, mme a utlwa lentswe; mme le fa go ntse jalo go ne go le batho ba le setlhophanyana ba ba neng ba mo dumela; ba bangwe ba re ga a boikanyego, ba bangwe ba re o a tsenwa; mme o ne a kgojwa le go rogiwa. Mme tse tsotlhe ga di a ka tsa fenya (tlosa) nnete ya pono ya gagwe. O ne a bonye pono, o ne a itse gore o nnile le yone, mme tsotlhe dipogiso tse di ka fa tlase ga legodimo ga di kake tsa dira se ka gope; mme le mororo ba ka mo bogisa go ya lesong, se se salang o a itse, mme o tlaa itse go ya moweng wa gagwe wa bofelo, gore o ne a kile a bona lesedi mme a ba a utlwa lentswe le bua go ene, mme lefatshe jotlhe ga le kake la mo dira go akanya kgotsa go dumela ka gope.

(Tiragalo) e ne e ntse jalo le go nna. Ke ne ke bonye lesedi ka sebele, mme mo gareng ga lesedi leo ke ne ka bona Batho-Diriti ba babedi, mme e le ruri ba ne ba bua le nna; mme le mororo ke idilwe le go bogisiwa ka ntlha ya go bua gore ke ne ke bonye pono, mme se e le nnete; mme fa ba ntse ba mpogisa, ba nthogaka, mme ba bua yotlhe mefuta ya bosula kgatlanong le nna ka go bua se, ke ne ka rotloetsa go bua mo pelong yame: Ke eng lo mpogisa go bo ke buile nnete? Ke bonye e le ruri pono; mme ke mang yo o ka ganetsang Modimo, kgotsa ke eng lefatshe le gopola gore le ka ntira gore ke ganele se ke se bonyeng e le ruri? Gonne ke ile ka bona

pono; ke ne ke e itse, mme ke ne ke itse gore Modimo o ne o itse se, mme ke ne ke se kake ka gana se, lefa e le go leka go gana; gonne ke itsile gore ka go dira jalo ke tlaa bo ke diretse Modimo bosula, mme ke ka tshwaiwa bosula.

*Ke ne ke
bonye pono;
ke ne ke itse seo,
mme ke ne
ke itse gore
Modimo o itse
se, mme ke ne
ke se kake ka
se gana, ntleng
le go leka.*

Ke ne ke ile ka kgotsofatsa tlhaloganyo yame ntlheng ya tulo (lefatshe) ya digongwanagongwana tsa diphuthego—gore e ne e se tiro (kabelo) yame go tsena epe ya tsone, mme go tswela jalo (ke sa tsene epe) go fitlhelela ke laelwa (ka se). Ke ne ke bonye bopaki jwa ga Jakobo e le boammaaruri—gore motho yo o tlho-

kang botlhale o ka lopa go Modimo, mme a amogela (ga one), a sa nyadiwe.

Ke ne ka tswela go dira ditiro tsame tsa gale mo botshelong go fitlhelela Lwetsi a tlhola mala-tsi a le masome a mabedi le bongwe, ngwaga wa sekete se le sengwe, makgolo a roba bobedi le masome a mabedi le boraro. Nako e yotlhe ke ne ka boga pogiso e e botlhoko go tswa mo diatleng tsa mefuta yotlhe ya batho, ba ba Kerekang le ba ba sa kerekeng, ka gobo ke ne ke tswelletse go tlhomamisa gore ke ne ke bonye pono.

Mo sebakeng sa nako e e tsereng magareng a nako ya ke nnile le pono le ngwaga wa sekete, makgolo a roba bobedi le masome a mabedi le boraro—nako e ke iditsweng go tsena epe ya makoko a diphuthego a nako eo, nako e ke neng ke le mo dingwageng tse di potlana ka matsalo, mme ke bogisitswe ke bao ba e ka bong ele ditsala tsame mme ba dirisantse le nna ka bomolemo. Mme fa ba ne ba gopola ke iteegile tsebe, ba leke kafa mokgweng o o lolameng o o lorato go nkgapa. Ke ne ka apara yotlhe mefuta ya dithaelo; mme, mo go tlhakaneng le yotlhe mefuta ya batho, ke ne ke wela gantsi mo diphosong tse dintsi tse di senang tlhaloganyo, mme ke supa

bomotlhofo jwa banana, le bo seng phepa jwa mokgwa wa setho; o ke leng maswabi go a bua, wa nkgogela go dithaelo tse di farologanyeng, tse di leng botlhabetse mo ponong ya Modimo. Mo go direng boipobolô jo, gwa seka ga nna ope yo o gopolang ke le molato wa ape maleo a magolo kgotsa a a masisi. Ketsego go dira molato wa go nna jalo e ne e seyo mo bothong jwame.

Loeto lwa ga Moronae

Pogiso e ne ya tswelela fa Joseph a gana go ganela gore o ne a bonye Modimo. Ka Lwetsi e tlhola malatsi a le 21, 1823 fa a sena go ya kwa bolaong, Joseph o ne a rapela go itse seemo sa gagwe fa pele ga Morena. Moengele Moronae o ne a ipontsha go ene.

Ka lotlatlana lo lo umakilweng lwa Lwetsi ka tlhola masome a mabedi le motso, morago ga ke sena go ya kwa bolaong jwame bosigo, ke ne ka ipaya ka thapelo le topo go Modimo Mothatayotlhe (go lopa) boitshwarelo jwa tsotlhe dibe le bomatla jwame, le (go lopa) gape



Dingwaga tse tharo morago ga Pono ya Ntsha ya ga Joseph Smith, Modimo o ile wa romela moengele Moronae go ruta Joseph ka go tsosolosa efangele ya ga Jesu Keresete.

temotsho (tshedimosetso) go nna, gore ke ka itse ka seemo le kemo yame fa pele ga ene; gonne ke ne ke na le tsholofelo e e tletseng gore ke ne ke ka amogela tshedimosetso ya semodimo jaaka ke kile ka nna nayo pele.

Fa ke ntse ke le mo tirong ya go bitsa Modimo, ke ne ka bona lesedi le tlhagelela mo phaposing yame, le le neng la tswelela go oketsega go fitlhelela phaposi e le lesedi go gaisa ka setlhoboloko, fa ka bofefo motho-seriti a ipontsha fa tlhakoreng la bolao jwame, a eme mo phefong, gonne dinao tsa gagwe di ne di sa kgome bodilo.

O ne a apere purapura e e bosweu jo bontle jo bogolo. E ne e le bosweu go feta sepe sa lefatshe se ke kileng ka se bona; ebile ga ke dumele fa sepe selo sa lefatshe se ka dirwa go lebega se le bosweu jo bo feteletseng jaana le kgalalelo. Diatla tsa gagwe di ne di sa apara, le mabogo a gagwe gape, go tswa go se kae fa godimo ga tokololo ya seatla; (mme) jalo, gape, dinao tsa gagwe di ne di sa apeswa sepe, fela jaaka maoto a gagwe, go tloga go se kae fa godimo ga manyenana. Tlhogo le thamo ya gagwe le tsone di ne di sa apeswa sepe. Ke ne ka lemoga fa a ne a sa apara seaparo sepe gape fa e se purapura e, ka e ne e bulegile, mo ke neng ke kgona go bona sehuba sa gagwe.

E ne e se purapura ya gagwe fela e e neng e le bosweu jo bo feteletseng, mme mmele wa gagwe otlhe o ne o galalela mo go fetang bokao, le sefatlhego sa gagwe e le ruri ekete logadima. Phaposi e ne e le lesedi le le feteletseng, mme e seng tshedimogo e kgolo jaaka mo bogaufing le tikologo ya (mmele wa) gagwe. Fa ke mo leba Iwantlha, ke ne ka boifa; mme ka bofefo poifo e ne ya ntlogela.

O ne a mpitsa ka leina, mme a re go nna e ne e le morongwa yo o romilweng go tswa kwa bonnong jwa Modimo go tla kwa go nna, le gore leina la gagwe ke Moronae; gore Modimo o na le tiro e ke tshwanetseng go e dira; le gore leina lame le tshwanetse go itsewe ka ntsha ya molemo le bosula mo ditshabeng tsotlhe, ditshika le diteme, kgotsa gore le tshwanetse go buiwa ka bomolemo le bosula mo bathong botlhe.

One a re go na le buka e e epetsweng, e e kwadilweng mo dipapetlaneng tsa gauta, e e fang pego ka ga banni ba lefatshe leno ba pele, le kwa ba tswang teng. O bile gape a re botlalo jwa Efangele ya bosakhutleng bo ne bo le mo go yone, jaaka e lerilwe ke Mmoloki go banni ba bogologolo;

Gape, gore go ne go na le matlapa a mabedi mo mareng a selefera—mme matlapa a, a bofeletswe mo seiphemelo-sehubeng, a dira se se bidiwang Urime le Thumime—tse di beilweng le dipapetlana; mme go nna nao le tiriso ya matlapa a e ne e le gone mo go dirileng “balebi” ka dinako tsa bogologolo kgotsa tsa pele; le gore Modimo o ne o di baakanyeditse maikaelelo a go ranola buka.

Fa a sena go mpoletlele dilo tse, o ne a simolola go nopola diporofito tsa Kgolagano e Kgologolo. O ne a nopole lwantlha karolo ya kgaolo ya boraro ya (lokwalo lwa) ga Maleagi; mme a



Mo Ngwageng wa Morena wa 421 moporofeti Moronae a epela dipego tse di boitshepho tse di kwadilweng ka batho ba gagabo mo Lentsweng la Cumorah. Mo go boeng morago e le yo o tsosolotsweng, o boleletse Joseph Smith ka ga pego ya bogologolo e e kwadilweng, e e tshotseng botlalo jwa efangele jaaka e lerilwe ke Mmoloki go baagi ba bogologolo ba lefatshe la Amerika. Pego e e kwadilweng eo ke Buka ya ga Momone.

nopola gape kgaolo ya bone kgotsa ya bofelo ya sone seporofito, le mororo e na le pharologanyo e nyenyane go tswa ka fa tseleng e e balegang ka teng mo Dibeibeleng tsa rona. Ntleng le go nopola temana ya ntlha jaaka fa e balega mo dibukeng tsa rona, o e nopotse jaana:

“Gonne bona, letsatsi le atla le le tlaa tukang jaaka leiso la boubelo mme botlhe ba ba mabela, ee, le botlhe ba ba boikepi ba tla tuka jaaka lotlhaka; gonne ba ba tlang ba tla ba tshuba, go bua Morena wa Masomosomo, gore e ba tlogele ba se modi kgotsa kala.”

Mme gape, o ne a nopola temana ya botlhano jaana: “Bonang ke tla senolela go lona Boperesiti, ka seatla sa ga Elija moporofeti, pele ga go tla ga letsatsi le legolo le le tshabegang la Morena.”

O ne gape a nopole temana e e latelang ka go farologana: “Mme o tla jala mo dipelong tsa bana ditsholofetso tse di dirilweng go borabana (bagologolo), mme dipelo tsa bana di tlaa sokologela kwa go borraabo. Fa go sa nna jalo, lefatshe lotlhe le ka sennngwa mo go feteletseng mo go tleng ga gagwe.”

Mo tlaletsong ya tse (diporofito), o ne a nopola kgaolo ya bolesome le bongwe mo go Jesaya, a re e gaufi gore e diragadiwe. O nopotse gape kgaolo ya boraro ya (lokwalo lwa) Ditirafalo, ditemana e le tsa bo masome a mabedi le bobedi le ya bo masome a mabedi le boraro, thata-thata jaaka dintse mo Kgolaganong e Ntšha ya rona. O ne a re moporofeti yoo ke Keresete; mme letsatsi le ne le ise le goroge fa ba ba se kitlang ba utlwa lentswe la gagwe ba tshwanetse go kgaolwa mo bathong, mme le tlaa tla mo (bogautshwaneng) bogaufing.

O ne a nopola gape kgaolo ya bobedi ya (lokwalo lwa) ga Joele, go tswa mo temaneng ya masome a mabedi le boroba bobedi go ya go ya bofelo. O ne a re gape se se ne se ise se diragadiwe, mme se ne se tlaa dirala mo bogaufing. Mme a tthagisa gape gore botlalo jwa Baditshaba bo ne bo le gaufi go tla. O ne a nopola tse dingwe tse dintsi dintlha tsa mafoko a a molemo, mme a abelana ditlhaloso tse dintsi tse di se kakeng tsa umakiwa fa.

Gape, o ne a mpolelela nna le ape mangwe maikaelelo mo kakanyang mo go tseyeng dipapetlana ntleng le go galaetsa Modimo, e bile ke seka ka tlhotlhelediwa ke ape mangwe maikaelelo gona le go aga motse wa bogosi jwa gagwe; la gore, fa ke sena go tsaya dipapetlana tseo tse a neng a

*Pono e ne ya
bulelwa go
tlhaloganyo
yame
mo ke neng ka
bona lefelo le mo
go lone
dipapetlana di
neng di epetswe.*

buile ka tsone—gonne nako ya gore di ka tsewa e ne e ise e diragadiwe—ke seka ka di bontsha motho ope; le fa e le seiphemelo-sehubeng se se nang le Urime le Thumime; fa e se go bao ba ke tlaa laolelwang go ba di bontsha; fa ke ka dira, ke tlaa tshwanelwa ke go nyelediwa. Fa a ntse a bua le nna ka ga dipapetlana,

pono e ne ya bulwa go mogopolo wame mo ke bonyeng lefelo fa dipapetlana di neng di epetswe teng, mme seo ka bophepa le ka pharologanyo mo ke neng ka itse lefelo leo gape fa ke le etela.

Morago ga puisano e, ke ne ka bona lesedi le le neng le le mo phaposing le simolola go kgobokana mo tikologong ya motho yo o neng a sa tswa go bua le nna, mme le ne la tswelela go dira jalo, go fitlhelela phaposi e setse e le lefifi gape, fa e se fela mo tikologong ya gagwe; fa, ka bofefo ka bona ekete, phaephe e e bulegelang ka tlhamalalo kwa legodimong, mme a tthatloga go fitlha a nyelela gotlhelele, mme phaposi ya sala e ntse jaaka e ne e ntse pele ga lesedi le la magodimo le iponatsa.

Ke ne ka rapama ke akantse ka bojosi jwa pono e, mme ke gagamaletse se ke neng ke se boleletse ke morongwa yo o fetang tlwaelesego yo; fa, mo gareng ga dikakanyo tsame, ka tshoganyetso ka lemoga gore phaposi yame gape e simolola go nna lesedi, mme ka bofefo, ekete, ene morongwa wa magodimo a bo gape a le fa lotlhakoreng lwa bolao jwame.

Asimolola, mme gape a bega gape tsone tota dilo tse a neng a di dirile mo loetong lwa gagwe lwantlha, go se pharologanyo e nnye; mo e rileng a

di dirile, a nkitsise ka dikatlholo tse dikgolo tse di neng di tla mo lefatsheng, ka dikomelelo tse dikgolo tsa tlala, tšhaka, le kgogodi ya bolwetsi; le gore dikatlholo tse di bothoko tse di tlaa tla mo lefatsheng mo pakeng eno. Fa a begile dilo tse, a tlhatlogela gape godimo jaaka a ne a dirile pele.

Ka nako e, dikamego tse di neng di dirilwe mo mogopolong wame di ne di le dikgolo, mo e leng gore boroko bo ne bo phatlaletse mo matlhong a me, mme ka rapama jalo ke fekeeditse mo kgakgamaalong go tse ke neng ke di bonye le go di utlwa. Mme se e neng e le kgakgamalo yame fa gape ke bona morongwa ene yole fa tlhakoreng lwa bolao jwame, mme ka mo utlwa a ikgakolola kgotsa a ipoeletsa gape go nna tsone dilo tsa pele; mme a oketsa ka



Lentswe la Cumorah le ka nna dikhilometara di le tlhano borwa-botlhaba jwa polase yo-rra Smith mo Palmyra, New York. Ka nako ya ga Joseph letlhakore le le botsheka le ne le na le bojang, le le borwa le phatlaletse ka ditlhare le dikgwa. Dipapetlana di ne di epetswe mo letlhakoreng le le borwa-bophirima, eseng kgakala go tswa setlhoweng. Setshwantsho: Phatwe 1907

tlhagiso mo go nna, a mpolelela gore Satane o ka leka go nthaela (ka ntlha ya khumanego ya balolwapa lwa ga rre), go tsaya dipapetlana ka maikaelelo a go huma. Se a se nkiletsa, a bua gore ke seka ka nna le ape mangwe maikaelelo mo kakanyong mo go tseyeng dipapetlana ntleng le go galaletse Modimo, e bile ke seka ka tlhotlhelediwa ke ape mangwe maikaelelo gona le go aga motse wa bogosi jwa gagwe; ntleng le jalo ga ke kake ka di tsaya.

Morago ga loeto lo lwa boraro, o ne gape a tthatlogela kwa legodimong jaaka pele, mme ka tlogelwa gape go akanya ka kelelelo ka ga go sa tlwaelesega ga se ke sa tswang go se bona;

fa ka bofefe morago ga morongwa wa magodimo a sena go tihatloga go tswa go nna la boraro, mokoko wa lela, mme ka bona gore bosa bo ne bo atamela, ka jalo dipuisano tsa rona di ne di tshwanetse tsa bo di tsera bosigo joo jotlhe.



Moronae o ne a bowa gangwe ka ngwaga mo dingwageng tse mme a ruta moperofeti yo wa monana. Morago ga dingwaga tse mme, Joseph o ne a amogela dipapetlana mme a simolola go ranola Buka ya ga Momone.

Moragonyana ke ne ka ema go tswa mo bolaong jwame, mme, jaaka gale, ka ya le ditiro tse di tlhokafalang tsa letsatsi, mme, mo go itekeng go dira jaaka mo go tse dingwe dinako, ke ne ka fitlhela nonofo yame e fedile mo go neng ga ntira gore ke se kgone gotlhelele. Rre, yo a neng a dira le nna, o ne a lemoga gore go sengwe se se phoso ka nna, mme a mpoletse gore ke ye gae. Ke ne ka simolola ka maikaelelo a go ya kwa ntlong; mme mo go lekeng go tloa legora go tswa mo tshimong fa re neng re le teng, nonofo yame e ne ya ntlha gotlhelele, mme ka wela fa fatshe ke feletswe ke tshupo, mme ka sebaka ka bo ke idibetse gotlhelele.

Selo sa ntlha se ke se gakologelwang e ne e le lentswe le le neng la bua le nna, le mpitsa ka leina. Ka leba godimo, mme ka bona ene morongwa a eme fa godimo ga tlhogo yame, a dikologilwe ke lesedi jaaka pele. O ne a mpoletse gape tsotlhe tse a neng a kile a di mpoletse bosigo jo bo fetileng, mme a ntaela go ya kwa go rre mme ke mmolelele ka ga pono le ditaelo tse ke di amogetseng.

Ka obamela, ka boela kwa go rre mo tshimong, ka mo tihatloganyetsa tiragalo yotlhe. O ne a mphetola ka gore ke ga Modimo, mme a mpoletse gore ke ye mme ke dire jaaka ke laetswe ke morongwa. Ke ne ka tloga mo tshimong, mme ka ya kwa lefelong le morongwa a neng a mpoletse gore dipapetlana di epetswe teng; mme ka ntlha ya go tlhatswega ga pono e ke neng ke nnile nayo ka lone, ke ne ka itse lefelo leo fela fa ke goroga kwa go lone.

Pego e e Kwadilweng e e Itshephileng

Gaufi le motse wa Manchester, kgaolo ya Ontario, New York, go eme lentswe la selekanyo se se bonalang, le le tihatlogileng go feta lepe mo tikologong. Ka fa bophirima jwa lentswe le, gaufi le setlhowa, ka fa tlase ga letlapa la selekanyo se se bonalang, go ne go le dipapetlana tse, di beilwe mo teng ga kesi ya letlapa. Letlapa le ne le le lekima le bile le le kgolokwe fa gare mo ntlheng e e fa godimo, le ne le le lesesane go ya mo dithokong, mo goreng bogare jwa lone bo ne bo bonala fa godimo ga lefatshe, mme lotlhakore lotlhe lo ne lo bipilwe ke mmu.

Fa ke sena go tlosa mmu, ka tsaya thobane, e ke neng ka e tshwarisa ka fa tlase ga lotlhakore lwa letlapa, mme ka go pateletsa go se kae ka le tsholetsa. Ka leba mo teng, mme moo ka bona e le ruri dipapetlana, Urime le Thumime, le seiphemelo sehubeng jaaka morongwa a tlhalositse. Kesi e di neng di le mo teng ga yone, e ne e dirilwe ka matlapa a le mabedi a a neng a kgabaganya kesi, mme mo matlapeng a, go ne go le dipapetlana le dilo tse dingwe di na le tsone.

Ka dira maiteko a go di ntsha, mme ka idiwa ke morongwa, mme gape ka itsesiwa gore nako ya go ntshiwa ga tsone e ne e ise e fitlhe, mme ebile ga e kitla, go fitlhelela dingwaga tse nne go tloga mo nakong eo, le gore foo o tla kopana le nna, le gore ke tshwanetse ke tswelele go dira jalo go fitlhelela nako e tla ya go tsaya dipapetlana.

Ka jalo, jaaka ke ne ke laetswe, ke ne ka ya koo mo mafelong a ngwaga o mongwe le o mongwe, mme nako le nako ke ne ke fitlhela morongwa yoo teng, mme ke amogela thuto le bothale go tswa mo go ene mo go nngwe le nngwe ya dipuisano tsa rona, mabapi le se Morena a neng a ya go se dira, le ka mokgwa o bogosi jwa gagwe bo tla tsamaisiwang ka teng mo malatsing a bofelo.

*Mo letlhakoreng
le le bophirima
jwa lentswe le,
eseng kgakala
le setlhowa,
ka fa tlase
ga letlapa
le legolo, go ne
go robaditswe
dipapetlana,
di epetswe
mo kesing ya
letlapa.*

mme a dira botshelo bo bo itumedisang jwa balelwapa la gagwe. Ka 1825 a tshwara tiro mo kgaolong ya Chenango, New York. Koo a kopana le Emma Hale, yo a neng a mo nyala ka Ferikgong e tlhola 18, 1827.

Mme mo sebakeng nako ya goroga ya go tsaya dipapetlana, Urime le Thumime, le seiphemelo-sehubeng. Ka Lwetsi a tlhola malatsi a le masome a mabedi le metso e mebedi, ka ngwaga wa

sekete makgolo a le borobabobedi le masome a mabedi le bosupa, ke ile jaaka gale kwa bofelong jwa ngwaga nngwe kwa lefelong le di neng di epetswe teng, ene morongwa yo le wa magodimo a di nneela ka taelo e: gore ke di tlhokomele; gore fa ke ka di latlha ka bosutlha, kgotsa ka tatlhegelo nngwe ya me, ke tlaa kgaolwa; mme gore ga ke ka dirisa maiteko a me otlhe go di tlhokomela, go fitlhelela ene, morongwa: a di batla di tlaa sirelediwa.

Ke ne ka lemoga ka nakwana gore ke eng ke ne ka amogela ditaewana tse di gagametseng jaana go di babalela, le gore ke eng morongwa a ne a rile fa ke dirile se se batliwang mo seatleng sa me, o tlaa di batla. Gonne go ne ga itsege ka bofefo bo bo seng kae gore ke ne ke di tshotse fa dikgoka tse di gagametseng tse dintsi di dirisiwa go di nkamoga. Maano otlhe a a neng a ka dirwa a ne a dirisiwa ka maikaelelo ao. Dipogiso di ne tsa nna bothoko le go loella go gaisa pele, mme matshwititshwiti a ne a tlhwaile tsebe ka nako tsotlhe go di tsaya mo go nna fa go kgonega. Mme ka tlhalefo ya Modimo, di ne tsa nna ka polokese go mo diatleng tsame go fitlhelela ke wetsa ka tsone se se neng se batlilwe ka seatla go seatla same. Fa, go ya kafa dithulaganyong, morongwa a bitsa gore di tle, ka di isa kwa go ene; mme o na le tsone mo taolong ya gagwe go fitlhelela tsatsing jeno, e le letsatsi la bobedi la Motsheganong wa ngwaga wa sekete, makgolo a fera bobedi, masome a mararo le metso e fera bobedi.

Ka letsatsi la bothano la Moranang, 1829, Oliver Cowdery o tsile kwa ntlong yame, go fitlhelela nako eo ke ne ke se kile ka mmona. O tlhalositse go nna gore ka a ne a ruta sekolo mo bogautshwaneng le fa rre o neng a agile teng, mme rre e ne e le mongwe wa bao ba ba neng ba romotse bana kwa sekolong, o ne a ya go nna kwa (Ga rre) ntlong ya gagwe, mme fa a le teng balelwapa ba ne ba mo tlotlela ka mabaka a me a go amogela dipapetlana, mme ka jalo o ne a tsile go dira ditlhotlhomiso mo go nna.

Malatsi a mabedi morago ga kgorogo ya ga Rre Cowdery (e le ka Moranang a tlhola 7) ke ne ka simolola go ranola Buka ya ga Momone, mme a simolola go nkwalela.


Ka Moranang 1829 Joseph Smith, mme Oliver Cowdery e le mokwaledi, a simolola go ranola Buka ya ga Momone ka kabelo le thata ya Modimo. Morago ga Joseph a sweditse, batho ba bangwe ba ne ba segofala go, bona dipapetlana tsa gauta. Basupi ba le bane ba ne ba bega bopaki jwa bone, gonne ka “(molomo wa) bopaki jwa basupi ba le babedi kgotsa ba le bararo lefoko lengwe le lengwe le tlaa rurafadiwa” (2 Bakorinthe 13:1).

Boperesiti bo Tsosolositswe

Re ne gape ra tsweledisa tiro ya thanolo, fa, mo kgweding e e latelang (Motsheganong, 1829), ka tsatsi le lengwe re ne ra tsena mo sekgweng go rapela go lopa go Morena ka kolobetso ya go itshwarelwa dibe, e re fitlhetseng



Josefe Smith le Oliver Cowdery ba amogetse Boperesita jwa ga Arone ka peo ya diatla go tswa go Johane wa Mokolobetsi ka Motsheganong e tlhole 15, 1829.



Kereke ya ga Jesu Keresete ya Baitshephi ba Malatsi a Bofelo e rulagantswe mo lelwapeng la ga Peter Whitmer Sr (yo mogolo) ka Moranang e tlhola 6, 1830. Batho ba ka nna 60 ba ne ba lepa (bogela) jaaka banna ba 6 ba diragatsa tse di tlohegang go rulaganya mokgatlo o montsha wa sekereki mo New York.

e umakilwe mo thanolong ya dipapetlana. Fa re ntse re dira jaana, re rapela le go lopa go Morena, morongwa go tswa legodimong a fologa a le mo lereang la lesedi, mme ya re a sena go baya diatla tsa gagwe go rona, a re tlhomamisa, a re:


“Go lona batlhanka ka nna, mo leineng la Mesia, ke tlhoma Boperesiti jwa ga Arone, e leng jo bo nang le dilotlolo tsa tirelo ya baengele, le tsa efangele ya boikotlhao, le tsa kolobetso ya go ikina mo metsing go itshwarelwa dibe; mme jo ga bo kitla bo tsewa gape go tswa mo lefatsheng go fitlhelela barwae Lefi (dikokomana tsa ga Lefi) ba ntsha setlhabelo gape go Morena ka (ntlha ya) bomolemo.”

O ne a re Boperesiti jo jwa ga Arone ga bo na thata ya go baya diatla (go naya kabelo) e le kabelano ya Mowa o o boitshepho, mme e tlaa tlhomamisiwa go rona morago; mme a re laela go kolobetsa Oliver Cowdery, mme e re morago a nkolobetse.

Ka jalo ra tsamaya mme ra kolobediwa. Ke ne ka mo kolobetsa pele, mme morago a nkolobetsa—morago ga mo ka baya diatla tsa me godimo ga tlhogo ya gagwe mme ka mo tlhoma Boperesiti jwa ga Arone, mme ya re morago a baya diatla tsa gagwe godimo game mme a ntlhomamisa go jone Boperesiti jo—gonne re ne re (laotswe) laetswe jalo.

Morongwa yo o re etetseng ka motlha o mme a tlhomamisa Boperesiti jo mo go rona, o rile leina ja gagwe e ne e le Johane, ene yo o neng a bidiwa Johane wa Mokolobetsi mo Kgolaganong e Ntšha, le gore o dirile jalo ka fa tlase ga taelo ya ga Petoro, Jakobo le Johane, ba ba neng ba na le dilotlolo tsa Boperesiti jwa ga Melekiseteke, e leng Boperesiti, go bua ene, jo mo sebakeng bo tlaa tlhomamisiwang mo go rona, le gore ke tlaa bitswa Mogolwane wa ntlha wa Kereke, mme ene (Oliver Cowdery) mogolwane wa bobedi. E ne e le ka letsatsi lwa bolesome le botlhano lwa Motsheganong, 1829, le mo go lone re ileng ra tlhomamisiwa ka fa tlase ga seatla sa morongwa yo, mme ra kolobediwa.

Ka bofefo mo go tsweng mo metsing re sena go kolobediwa, re diragaletswe ke ditshegofatso tse dikgolo tse di galalelang go tswa go Rara yo o kwa Legodimong. Fa ka bofefo ke se na go kolobetsa Oliver Cowdery, Mowa o o Boitshepho wa nna mo go ene, mme a otlologa mme a senola



dilo di le dintsi tse di tshwanetseng go diragala ka bofefo. Mme gape, fa ke sena go kolobediwa ke ene, le nna ka nna le mowa wa seporofeti, mme jalo, ka otlologa mme ka senola (Porofeta) mabapi le kgolô ya Kereke e, mme le tse dingwe dilo tse dintsi tse di amanang le Kereke, le kokomana e ya bana ba batho. Re ne re tletse Mowa o o Boitshepho, mme re ipela mo Modimong wa poloko ya rona.

Se ke bopaki jo bo motlhofo jo bo tlhamaletseng jwa ga Joseph Smith a abelana dingwe tsa ditiragalo tse di (lerileng) gogetseng kwa tsosolosong ya efangele le go tlhongwa ga Kereke ya ga Jesu Keresete ya Baitshephi ba metlha ya Bofelo.

Ka pego e e kwadilweng ka botlalo polelo ya ga Joseph Smith, bona Joseph Smith—History (Joseph Smith—Ditso) mo (bukeng ya) Perela ya Tlhwatlhwa e Kgolo kgotsa History of the Church, 1:2–79 (Ditso tsa Kereke ya ga Jesu Keresete ya Baitshephi ba Metlha ya Bofelo, 1:2–79).



Buka ya ga Momone, jaaka e gatisitswe lwanthla ka 1830, e anamisiwa mo gompionong ka dipuo o feta 80ti lefatshe lotlhe.